

OKU ORIKUKORAMU EBIRIKUSHUKYERERA AMAIZI G'OKUNAABA ENGARO ATAKOREISE MAINGI

Orupapura Oruriho Eby'okwegwa

Ebirikwetaagwa Kwejunisibwa:

1. Amataagi abiri g'ebiti (biri mita 2 omu buraingwa bikozire nk'enyuguta ya Y)
2. Obuti obukye bubiri bwa mita emwe omu buraingwa (akamwe ak'okurengyeeraho ekintu ky'amaizi akandi ak'okuribatira ahansi)
3. Akasumeeno k'okusharisa ebiti
4. Emisumaari ya inci 3 kuhika ahari inci 4 omu buraingwa
5. Omwenda nari magaro



6. Omuriro
7. Ekitiho nari ekihosho
8. Emiguha ebiri (gumwe guri ekicweka kya mita ogundi guri mita emwe ogw'akati k'okuribatira)
9. Akagyerikani akarikuzamu rita 3 nari 5
10. Saabuuni
11. Ekiti ekirikwingana na saabuuni oburaingwa
12. Sikuurudureeva nari ekikwato kyona eky'okufumura saabuuni
13. Amabaare, orusheenye rw'okuta omu kiina ekirikugwamu amaizi

Oku Waakubaasa Kwombekamu ebirikushukyeera amaizi otakoreise maingi :

1 **Taho akamanyiso ahu omwina gurikuza kufumurwa.** Toorana ekintu kya purasitiika ekirikuzamu rita 3 kuhika ahari 5. Taho akamanyiso ahu omwina gurikuza kufumurwa haza habe hari nka sentimita 12 ahansi y'akafundikizo.



2 **Yosya omusumaari.** Kwatisa omusumaari magaro nari omwenda reero ogwosye n'omuriro.



3 **Fumuraho obwina.** Fumura akaina omu kintu ekyo n'akandi kaina aha kafundikizo orikwejunisa omusumaari ogurikwosya.



4 **Jwekamu omuguha.** Jwekamu omuguha omuraingwa (ogwa mita 1) orikugurabiza omu mwina oguri omu kafundikizo. Tandikirira aheeru y'akafundikizo orikujwekamu omuguha kwenda ngu ekicweka kyorobi kihwere omunda y'akafundikizo.



5 **Taho eishumi aha muguha.** Taho eishumi aha kicweka ekiri omunda y'akafundikizo. Eishumi reeba ngu waarikora rihango ekirikumara kugira ngu tiririkubaasa kunyukukayo rikashohora kuraba omu mwina gw'akafundikizo. Akafundikizo okamyore kafundikire gye aha kintu. Hati eishumi rishe- mereire kuba riri omunda y'ekintu ekyo, reero ekicweka ekiraingwa ekyorobi ky'omuguha kirikuzeerera aheeru y'ekintu ekyo.



Instructions adapted from, "How to Make a Tippy Tap – A hygienic handwashing device with running water. Authors/Photos Mark Tiele Westra. Werkgroep OntwikkelingsTechnieken (WOT); University of Twente, the Netherlands; Henk Holtslag Connect International.


6 Komaho akati ak'okuribatira ngu amaizi gaije. Hati koma omuheru gw'omuguha ogwo aha kati aka ekicweka kya mita. Hati omuguha nigwo gurikuba nigunywanisa ekintu ky'amaizi hamwe n'akati k'okuribatira ngu amaizi gaije. Aka niko kati k'okuribatira kwenda ngu ekintu ekirimu amaizi kihengame amaizi geeshukye. **Eki ni Kikuru** - Obaasa kuhindura aha buraingwa bw'omuguha kyaba nikyetengyesa waahika aha idaara 11.



7 Fumura omwina omu saabuuni. Orikwejunisa ekikwato kyona (sikuurudureeva nari akati), fumura omwina omu saabuuni obwo orikuguma n'ogyehinguriza mpora mpora obwo orikusindika ekintu eki oriyo noogifumuza.



8 Tamu omuguha. Tamu omuguha omugufu ogwakabiri (ogw'ekicweka kya mita) gurikurabira omu mwina oguri omu saabuuni reero ogukome aha kati aka mita emwe nari ekindi kiti.



9 Tamu amaizi omu kintu. Tamu amaizi omu kintu ekyo gahikye ahu omwina guri.



10 Timba ebiina omu itaka. Sharamu omwanya omurungi ogu oraatemu taapu. Omwanya ogu gushemereire kuba guri ahu engaro zishemereire kuba nizikira kunaabirwa munonga (haihi n'ekihoroonyo nari ekiyungu). Timba emiina ebiri eya sentimita 50 omu itaka orikwejunisa ekitiho nari ekihosho. Omwanya oguri rwagati y'ebiina ebyo gube guri sentimita 70. Ebikondo bite omu biina haza ohatiiremu eitaka.



11 Hanika akagyerikani, hamwe n'omuguha gwa saabuuni.

- Rabya akati omu mukondo gw'akagyerikani reero ohanikye akati rwagati y'amataagi g'ebikondo. Hati akagyerikani kashemereire kuba nikarengyeera aha kati.
- Okome omuguha gwa saabuuni haihi n'akagyerikani haza saabuuni ebe neerengyeera aha kati (saabuuni yaaba etariho, yejunise ekindi kintu kyona eky'okutamu eiju).
- Reeba ngu omuguha ogukomire aha kati k'okuribatira ngu amaizi gaije gwine oburaingwa burikumara kugira ngu omuheru ogumwe ogw'akati k'okuribatira ngu amaizi gaije gwaguma nigurengyeera nka sentimita 15 kuruga aha itaka reero orubaju orundi orw'akati ako rube rukwasire aha itaka.



12 Timba ekiina ky'okuzamu amaizi. Timba ekiina ky'okuzamu amaizi (enshonda zoonza kibe kiri sentimita 40 kandi oburaingwa kiri sentimita 20). Kitimbe ahansi y'akagyerikani ahu amaizi garaagwe. Tamu amabaare omu kiina ekyo. Ekiina ky'amaizi eki nikireetera omwanya ogurimu ebirikushukyeera amaizi g'okunaaba engaro obutazamu ebyondo n'ensiri obutazaariramu.



Enkoresa y'ebirikushukyeera amaizi g'okunaaba engaro:

Ribatira akati ahansi n'ekigyere. Eki nikireetera ekintu ekirimu amaizi kucurama reero amaizi gakaraba omu kaina. Reeba ngu engaroo zaajuba reero orekure akati. Siiga saabuuni (nari eiju) omu ngaro. Garuka oribatire akati ahansi reero omunyunguze engaroo zaawe.



Oku Waakubaasa Kureeberera Eberikushukyeera amaizi g'okunaaba engaro:

1. Reeba ngu amaizi gaaguma gajwire omu kintu ekyo eki garimu obwo orikuguma nooyongeramu kwenda ngu buri kaanya gabaase kwejunisibwa.
2. Yozya omunda n'aheru y'ekintu ekirimu amaizi buri wiiki nari ahonaaho kyaheza kurofakara.
3. Taho saabuuni endiijo (nari eiju) bwanyima y'okuhwaho.
4. Byara ebikondo ebindi hahwaho omwanya muraingwa kwenda ngu bitakagwa.